

4. ՊՈԼՍԻ ՀԱՅ ԱՐՀԷՍՏԱՎՈՐՈՒԿԱՆ-ԱՌԵՎՏՐՈՒԿԱՆ
ԷՍՆԱՖԸ (XV—XVIII դդ.)

Պատմ. գիտ. դպրոց Ա. Ա. ԽԱՌԱՏՅԱՆ

Ցածրահարկային 4. Պոլիսը գրավելու ժամանակից ի վեր (1453) արհեստավորությունը կազմել է նրա բնակչության, այդ թվում և հայ համայնքի, ամենամարդաշատ տարրը: 1460—1470-ական թթ. էնկյուրիից, Ամասիայից, Յրապիզոնից, Կարամանից, Կաֆայից (Ղրիմ), էգեյան կղզիներից և այլ շրջաններից մայրաքաղաքը վերաբնակեցնելու նպատակով այնտեղ քշված բազմաթիվ անապատների մեջ զգալի քանակ էին կազմում հայ արհեստավորները: Արհեստավորներին գերեվարելու կամ 4. Պոլիս գաղթեցնելու երևույթին ենթահանդիպում 1514, 1534, 1548, 1578 թթ., մասամբ՝ XVII դարում: 4. Պոլիսը զրավելուց հետո թուրքերը գավառներից տեղահանեցին և նրա մերձակայքում բնակեցրեցին 30 հազարի շափ գյուղացիների՝ քաղաքը գյուղատնտեսական պարենի և ապահովելու նպատակով: Հայտնի է, որ Բերային և Խասգյուղին կից տարածքներում դեռևս XVI դարում հայերը զբաղվում էին հողագործությամբ:

Սամանյան տիրակալները նախընտրում էին գաղթեցնել հույն, հրեա, հայ, մուսուլմանական բնակչության այն խավերին, որոնք ոչ միայն արհեստավոր և առևտրական էին, այլ բանվորներ, շինարարներ, հողագործներ և այլն: Բռնագաղթերը, ի դեպ, թուրքերին հնարավորություն էին տալիս կողոպտելու օսղոմլիկի ամենալայն խավերին, տիրանալու նրանց ունեցվածքին և կարողությունները:

Այն, որ 4. Պոլիսի առաջին հայ վերաբնակիչների հիմնական մասը կազմել են արհեստավորները, վկայում են նաև հին տապանաքարերը: Պալլադի գերեզմանատնից հայտնի են թերզի (դերձակ) Մկրտիչը (1530—1540 թթ.), մահտեսի չազընի (գրագիր) Սողոմեն (1551 թ.)⁴:

Հայ գաղթականները, իբրև միևնույն տեղավայրերի հավաք խմբեր կամ բազմաթիվություններ, հիմնականում բնակեցվում էին մայրաքաղաքի միևնույն շրջաններում: Այսպես, 1475 թ. Ղրիմը նվաճելուց հետո 4. Պոլիս տեղափոխված հայերը հաստատվեցին Սալամաթոմրուկ թաղում (քաֆացոց կամ քաղաքացոց թաղ)՝ Չարիսիան Ս. Աստվածածին եկեղեցիով, Կարամանի հայերը բնակվում էին Սամաթիա թաղում (1479-ից)՝ Սուլումանասթըրի Ս. Գեղորգ եկեղեցիով⁵: Հայրենակցական խմբերով և համատեղ բնակվում էին արհեստավորները, Խասգյուղում՝ ակնցի քիրամիտագործները (կղմինդրագործներ), Այվանսարա թաղում՝ խեցեգործները, Թոփգաբուում՝ գաթրճիները

1 4. Պոլսո հայերը և իրենց պատրիարքները: Ընդարձակ օրացույց ազգային հիվանդանոցի. 4. Պոլիս, 1901, էջ 83: Ալպոյաճյան. Պատմություն Եվրոպիո հայոց. Կահիրե, 1952, էջ 334: Մ. Օրմանյան. Ազգապատմ. մաս 2-րդ, 4. Պոլիս, 1914, էջ 2186:

2 L. Kinross. The Ottoman centuries. London, 1977, p. 117.

3 Գ. Հնասեր. Հայ գրականությունը տապանաքարերու վրա.—«Բազմավեպ», 1928, № 7—8, էջ 211:

4 Գ. Հնասեր. Հայ վաճառականներ և արհեստավորներ 4. Պոլսո մեջ.—«Հայաստանի կոչնակ», Նյու Յորք, 1928, № 37, էջ 1161:

5 Գ. Խաչկոնց. 4. Պոլսո հայ գաղութին ծագումը: Ընդարձակ օրացույց ազգային հիվանդանոցի. 4. Պոլիս, 1902, էջ 193:

(չորեկվաճառներ)⁶; XVII—XVIII դդ. պոլսաբնակ ակնցիների մեջ տարածված զբաղմունքներ էին նաև հացագործությունն ու սեղանավորությունը, տիվրիկացիների մեջ՝ ոսկերչությունը, սեբաստացիների մեջ՝ դերձակությունը, կեսարացիների մեջ՝ շինարարական արհեստներն ու առևտուրը, դերձակությունը, կամախեցիների մեջ՝ հացագործությունը և այլն⁷:

Միաժամանակ առանց չափազանցության, վերածվելով հայության միամիտի մանրակերտի, Կ. Պոլսի հայ արհեստավորական ու առևտրական խաչերը իրենց թվաքանակի համեմատությամբ ներկայացնում էին զբաղմունքների վիթխարի բազմազանություն: Սոցիալական կացությամբ և կարգավիճակով նրանք, ինչպես և կայսրության մյուս հպատակ ժողովուրդների նույնական խավերը, մտնում էին այսպես կոչված էսնաֆի՝ արհեստավորա-առևտրական կորպորատիվ կազմակերպությունների մեջ: Էսնաֆն ընդգրկում էր քաղաքային և գյուղական շրջանների բոլոր նշված խավերին, այլ կերպ՝ հարկատու ամբողջ բնակչությանը, բացի հողագործ ուսանողներից: Էսնաֆի մեջ էին մտնում և առանձին արհեստակցական խմբավորումներ էին կազմում նաև արվեստի ու մտավոր աշխատանքի մարդիկ՝ ճարտարապետները, նկարիչները, դպիրները, գրագիրները, բժիշկները: Միանգամայն իրական է թվում այն տվյալը, ըստ որի՝ սուլթան Իբրահիմի ժամանակ, 1645 թ., Կոստանդնուպոլսում բնակվում էին 200 հազար քրիստոնյաներ՝ հույներ, հայեր, սլավոններ և այլն⁸: Նկատենք նաև, որ 1453 թ. ի վեր քաղաքում ամենաբազմամարդ համայնքը թուրքերից և հույներից հետո հայերն էին⁹: XVI դարի կեսին այստեղ գործում էին ավելի քան 23 հազար արհեստանոցներ, որտեղ ներգրավված էին շուրջ 80 հազարի չափ աշխատողներ¹⁰: Միայն Կոստանդնուպոլսում XVI—XVII դդ. կային 150 համարություններ՝ չհաշված երկրորդականները¹¹:

Սուլթան Մուրադ III-ի (1574—1595) որդու թլպատության առթիվ կազմակերպված «գոնանման» հիշելիս Գ. Այվազովսկին թվարկում է շատ արհեստներ, «եւ այլք ընդ ամենայն հարիւր և քառասնևինն դասք արուեստագիտաց»¹²: Համեմատության համար նշենք, որ 1670 թ. Կահիրեում գործում էին 258 արհեստագործական կորպորացիաներ, Դամասկոսում՝ 136-ը¹³:

XVI—XVII դդ. կայսրությունում և մանավանդ մայրաքաղաքում հայտնի էին արհեստների մասնագիտական խորացման կամ ճյուղավորման, նույնիսկ՝ բնույթով ու արտադրանքի նպատակով միմյանց շատ մոտ արհեստների անջատ գործառնելու երևույթները: Ե. Քյոմյուրճյանը 1657 թ. մի «գոնանմայի» առթիվ հիշատակում է տասնյակ արհեստներ՝ հացագործներ, «ոռք էին յազգէն հայոց», մսածախներ, պաշնիներ (ոչխարի գլուխ եփողներ), վիաչանիներ:

⁶ Ժամանակագրություն Գրիգոր վարդապետի Կամախեցույ. Երուսաղէմ, 1915, էջ 190: Ե. Քէօմիւրճեան. Պատմութիւն Ստամպոլոյ. Բ, Վիեննա, 1913, էջ 419 (Վ. Թորոսմյանի ծանոթագրությունները):

⁷ Հ. Գ. Մրմըրյան. Թուրքահայոց հին վաճառականություն և վաճառականք. Կ. Պոլս, 1901, էջ 18: Կյուլեբսերյան. Կոլտո Հովհաննես պատրիարք. Վիեննա, 1904, էջ 122:

⁸ Գ. Այվազովսկի. Պատմութիւն օսմանեան պետութեան. հ. Ա, Վենետիկ, 1641, էջ 613:

⁹ Ю. А. Петросян. Древний город на берегах Босфора. М., 1986, с. 138—139.

¹⁰ Ю. А. Петросян. Османская империя. М., 1990, с. 86.

¹¹ Н. Inalcik. The Ottoman Empire. 1300—1600. New York—Washington. 1973, p. 159.

¹² Գ. Այվազովսկի. նշվ. աշխ., էջ 450: «Դոնանմա» (թուրք.) նշանակում է տոնահանդես: Կատարվում էր սուլթանի զավակների ծննդյան, թլպատման, ամուսնության և կամ պետության համար կարևորագույն իրադարձությունների առթիվ: Շքերթին մասնակցում էին նաև էսնաֆությունները իրենց գրողակներով, խորհրդանշաններով, դեսպակներով և այլն:

¹³ Н. А. Иванов. Арабо-османский цех в XVI—XVII вв.—В кн.: Османская империя. Государственная власть и социально-политическая структура. М., 1990, с. 195—196.

(անասունի ազդրը եփողներ)՝ երկուսն էլ մտագործության տարատեսակներ, պողպատիներ (թաշկինակ կարող-վաճառողներ), էյոմլեֆներ (շապիկ կարող-վաճառողներ), դավուխներ, թաֆյաններ (գլխարկի տարբեր տեսակների արհեստավորներ), փարաններ և պոզմաններ (տարբեր տեսակի կոշիկներ նորագողներ), դավաֆներ (մուճակ կարող-վաճառողներ) և «ընդ սոսա էին կարողըն մուճակից, զոր սոքա ուրոյն են ի դավաֆից», ընդգծում է Ն. Քյոմյուրճյանը՝ առանձնացնելով այս գրեթե նույն արհեստները¹⁴։ Նա հիշատակում է մայրաքաղաքում գործառող 53 տեսակի արհեստներ, որոնց վերակշիռ մասի մեջ մասնագիտացել էին հայերը։

XVIII դարում մետաքսագործության զարգացումը բրուսայում հասցրեց մետաքսի առանձին տեսակներ (և մետաքսից պատրաստված նոր ապրանքատեսակներ) արտադրող էսնաֆությունների կազմակերպմանը, ինչպես կուրյուզի (մետաքսի և բամբակի խառնուրդով գործվածք), կաշակչի (մետաքսի գուտի պատրաստող) և սաևդալչի (մետաքսի առանձին տեսակ արտադրող) էսնաֆները¹⁵։

Որքան և ինչ տեսակի արհեստներով են զբաղվել հայերը Կ. Պոլսում։ Առկա ոչ լրիվ տվյալները, գոնե XVIII դարի երկրորդ կեսի համար, մի որոշ պարզություն են մտցնում այս հարցում։ Այսպես, 1761 թ. դեկտեմբերի 6-ի մախաւաւկաւնով (համախոսական) Գրիգոր Պասամճյանի՝ Նրուսաղեմի պատրիարք ընտրվելը վավերացրել են Կ. Պոլսի հայաբնակ թաղերի՝ «ալթը ջեմաթի» (վեց համայնք կամ վեց հասարակություն, այսպես էր կոչվում պոլսահայ համայնքը մինչև XVIII դարի վերջը) համարությունները։ Դրանք նեվախիրներ են (ակնագործ-ակնավաճառ), ոսկերիչներ, սահաթներ (ժամագործներ), խիբեֆներ (մետաքսագործներ), թյուպենտներ (մետաքսի տարբեր տեսակներ արտադրողներ), թերգիներ, ֆերեստեններ (փայտավաճառներ) և այլն, ընդամենը՝ 18 համարություն¹⁶։ Այս ցանկը, անշուշտ, լրիվ չէ և հեռու է ամբողջական լինելուց։ Նույն Գ. Պասամճյանի՝ Կ. Պոլսի պատրիարքական ընտրության համախոսականը 1772 թ. փետրվարի 22-ին ստորագրել են 22 համարություններ¹⁷։ Հայ էսնաֆի միությունների թվաքանակի շատ ավելի ընդարձակ, բայց դարձյալ ոչ վերջնական պատկերացում են տալիս XVIII դարի վերջին քառորդի՝ Զաքարիա պատրիարքի ժամանակվա երկու վավերագրեր։ 1788 թ., ռուս-թուրքական պատերազմի ժամանակ, մեծ վեզիր Յուսուֆ փաշան որոշակի քանակությամբ արծաթ է պահանջում հույներից, հայերից և հրեաներից. «նախ ի յունաց»՝ հինգ հազար օխա արծաթ տալ ի գործարան դրամահատության. նույնպես ի հրէից՝ երեք հազար օխա եւ ի հայոց շորս հազար օխա»¹⁸։ Այս առթիվ պատրիարքի գումարած «ալթը ջեմաթի» յողովում հիշատակվում են սառաֆներ (սեղանավորներ), ֆերեստեններ, թերգիներ, դազաններ (պղնձագործներ), սեստեններ (գոլակագործներ), խոբուսաններ (ծեփագործներ), պոզմաններ (հնակարկատներ) և այլն, ընդհանուրը՝ 65 էսնաֆություններ¹⁹։ Սակայն այս թիվը ևս հեռու է լրիվ լինելուց։ Կ. Պոլսի 1782 թ. մեծ հրդեհից հետո «ի նպաստ հրկիզելոց» հանգանակված դրամը վերջում տրամադրվել էր 72 էսնաֆությունների, իսկ դրանից առաջ հանգանակության մի մասը արդեն բաշխվել էր այլ էսնաֆությունների, ինչպես

14 Օրագրութիւն երեմիա Չէլէպի Քէօմլիւրճեանի (հրատ. Մ. արք. Նշանեանի). Երուսաղէմ, 1939, էջ 249—250։

15 I. H. Uzuncarsili. Osmanî tarihî IV c., 2 kis. Ankara, 1959, s. 574.

16 Գր. Գալեմքյարյան. Կենսագրություն երկու հայ պատրիարքներու և տասն կախկոպոսներու... Վիեննա, 1915, էջ 335—338։

17 Նույն տեղում, էջ 347—350։

18 Դիվան հայոց պատմության, գիրք Ժ (հրատ. Գ. Աղանյան), Քիֆլիս, 1912, էջ 335։ Օխա—ծանրության չափ Օսմանյան կայսրությունում. Կ. Պոլսում համարժեք էր մոտ 1,282 գ (կայուն չափ չի ունեցել)։ Selsu Aграрный строй Османской империи XV—XVII вв. Документы и материалы. Составление, перевод и комментарии А. С. Тверитиновой. М., 1963, с. 209.

19 Դիվան հայոց պատմության. գիրք Ժ, էջ 336—338։

4 «Հանդես», N 3

նշում է պատրիարքը՝ «որպէս զողորմութիւն միւս էսնաֆացն ցրուեցաք»²⁰։ Հետեւաբար, «ողորմութիւն» ստացած այս էսնաֆութիւնների թիվը պետք է միառնել վերոհիշյալ 72 էսնաֆութիւններին, որ հնարավոր չէ անել, քանի որ շգիտենք, թե նախապես քանի էսնաֆութիւն է բաշխվել դրամը։ Համեմատյալ դեպք, հայ էսնաֆութիւնների թիվը առնվազն պետք է որ գերազանցած լինի հարյուրը։

Կորպորատիվ միութիւնները սկիզբ էին առնում դեռևս բյուզանդական ժամանակներից։ Նախքան Կ. Պոլսի գրավումը, հայ արհեստավորներ են բնակվել քաղաքին կից Կալաթա բնակավայրում, ուր կային հայկական եկեղեցիներ. Ֆաթիհ Մեհմեդի երեք վակֆիյաններում (վակֆի՝ սեփականատիրական իրավունքի հաստատման փաստաթուղթ) հիշվում են բժիշկ նիկոլան, հացագործներ Պավլոն, Անդրեասը, դերձակ Մթեֆիանոն՝ հայկական թաղերից²¹։ Արևմտյան Հայաստանի գրավված տարածքների հայ արհեստավորական կազմակերպութիւնները իրենց արմատներով միջնադարի խորքերն են գնում՝ սկիզբ առնելով Հայաստանի քաղաքներից։ Այս իմաստով կարևոր այժմեք ունենողն է քաղաքի հայ երիտասարդութիւնի միութիւն կանոնադրութիւն վերաբերյալ Լ. Խաչիկյանի հրատարակումը²²։ Քրիստոնեական բարոյականութիւն, ազատասիրութիւն և փոխօգնութիւն սկզբունքներն էին ընկած այդ կանոնադրութիւն (1208 թ.)՝ եղբայրութիւն վարքագծի կանոններում։ Օսմանյան կայսրութիւնում մահմեդական էսնաֆը, իր հերթին, ժառանգել էր հին ախիւների՝ դերվիշ-սուֆիների բարոյականութիւն նորմերը²³ և ինչպես քրիստոնյա արհեստավորները, դրանք հարմարեցրել օսմանյան սոցիալական միջավայրին ու համակեցութիւն կանոններին։

Առհասարակ, քիչ է ուսումնասիրված, թե Կ. Պոլսի հայ էսնաֆը ինչ չափով է հարաբերվել մահմեդական կորպորատիվ միավորումներին, որ արհեստների բնագավառում է նրանց հետ կազմել մեկ էսնաֆութիւն։ Կարելի է որոշակիորեն ասել, որ որոշ արհեստների խմբում քրիստոնյա, այդ թվում և հայ արհեստավորները միավորվել են մահմեդական արհեստակիցների հետ՝ կազմելով կրոնական տեսակետից խառն կազմակերպութիւններ։ Արհեստների մի այլ խմբում նրանք գործել են առանձին, իբրև զուտ և անկախ էսնաֆութիւններ։ Խառն կորպորատիվ կազմակերպութիւն մեջ ևս հայ արհեստավորները պահպանել են սեփական կրոնաբարոյական նորմերը, իսկ մահմեդականների հետ ունեցած նրանց կազմակերպական ընդհանրութիւնը, փոխադարձ իրավունքների ու պարտականութիւնների հավասարակշռութիւնը դրսևորվել է էսնաֆին հատուկ որոշ արարողութիւնների ու ծեսերի, առավել ևս՝ արտադրութիւն և սպառման բնագավառում։ Առանձին հայ էսնաֆութիւնների գոյութիւն օգտին է խոսում այն փաստը, որ բռնագաղթների ժամանակ հայ արհեստավորները Կ. Պոլսի էին բերվում հայրենակցական խմբերով, զբաղեցնելով միևնույն թաղը և զբաղվելով միևնույն արհեստով, անկախ այն բանից, թե մայրաքաղաքում կային իրենց արհեստակիցների (անկախ կրոնական պատկանելութիւնից) միավորումները, թե ոչ։ Այս իրողութիւնը ընդհանրական պետք է համարել այստեղ բնակեցված մյուս էթնակրոնական խմբերի համար (մահմեդականներ, հույներ, սլավոններ, մասնավորապես սերբեր ու բուլղարներ, հրեաներ, լատիններ և այլն)։ Էսնաֆի մի մասը կազմակերպորեն միավորված էր անկախ կրոնական հանգամանքից, մյուս դեպքերում զուգահեռ գործում էին առանձին մահմեդական ու քրիստոնեական համարարութիւնները, իսկ այլ դեպքերում հանդիպում էին արտակորպորատիվ,

20 Նուրի տեղում, էջ 321.
 21 Հ. Պերպերյան. Իսթանպուլի հայ բնակչութիւնը քաղաքին գրավումէն մինչև Ֆաթիհ Մեհմեդ II-ի մահը. 1453—1481.—«Հանդես ամսօրյա», 1962, № 9—10, էջ 404, 423.
 22 Լ. Խաչիկյան. Երզնկա քաղաքի «Եղբարց միաբանութեան» կանոնադրութիւնը.— «Բանբեր Մատենադարանի», 1962, էջ 365—377.
 23 В. А. Гордлевский. Государство сельджукидов в Малой Азии.—Избр. соч., т. I, М., 1960, с. 136.

էսնաֆից դուրս գործող արհեստավորներ²⁴։ Ուշագրավ է Դարանաղցու մի վկայությունը հայ դերձակի աշակերտի՝ վարպետ դարձնելու արարողության մասին։ Արարողությունն ավարտվում է նորընծա վարպետի՝ «զամեննցուն աջն համբուրելով եւ շէխն եւ վարպետքն օրհնելով»²⁵։ Շէխի՝ մահմեդական արհեստապետի ներկայությունը ինքնին խոսում է այն մասին, որ Կոստանդնուպոլսի դերձակների (կամ տվյալ խմբի դերձակների) էսնաֆը միավորել է հայ և մահմեդական արհեստավորների (XVII դարի առաջին կես)։

Կային արհեստների որոշ տեսակներ, որոնցով ամբողջովին կամ գրեթե ամբողջովին զբաղվում էին մահմեդականները և նրանց մենաշնորհ իրավունքը սատարվում էր պետության կողմից։ Այսպես, մինչև սուլթան Մահմուդ II-ի ժամանակները մեղրամոմի հույժ եկամտաբեր արտադրությունն ու վաճառքը վերապահված էին միայն մահմեդականներին։ 1830-ական թթ. Արթին Պեղճյանը հաջողում է սուլթանից ստանալ մեղրամոմի մանուֆակտուրա հիմնելու ֆերման, որի արդյունքները բացառապես օգտագործվելու էին եղիգուլեի ազգային հիվանդանոցի կարիքների համար։ Սա մահմեդականներին վերապահված արհեստներ է համարում թանկարժեք քարերի հղկումը, թանկարժեք մետաղների դրվագումը, ինչպես և որմնանկարչությունը²⁶։ Մինչդեռ հանրահայտ է, որ արվեստի մակարդակ պահանջող զբաղմունքները՝ ոսկերչությունը, ինչպես և ճարտարապետությունն ու նկարչությունը հիմնականում մնում էին հույների և հայերի ձեռքին, որոնք անգերազանցելի էին այս բնագավառներում²⁷։

Կայսրության ռազմատնտեսական հզորության անկումը XVI դարի վերջին և XVII դարի սկզբին, աքլեի արժեզրկումը և տնայնագործական արտադրության լճացումը, կրոնական հակամարտության հրահրումը՝ բուն օսմանյան պետության տրամաբանության, անմիջականորեն անդրադառնում էին էսնաֆական կազմակերպությունների գործունեության վրա։ Արհեստագործությանը տնտեսական զգալի հարված հասցրեցին կայսրության աճող ռազմական ծախսերը, որոնք ծանրանում էին հարկատու բնակչության՝ ուայլի և արհեստավորական-առևտրական խավերի վրա։ Զալալիների ապստամբության պատճառով խափանվեցին առևտրական վաղեմի ուղիները Արևմտյան Հայաստանի և փոքրասիական տարածքներում²⁸, թուլացան արհեստագործության կապերը գյուղատնտեսական արտադրության հետ. արհեստները զրկվում կամ կտրվում էին հումքային բազայից, դատապարտվում գոյատևման նոր միջոցներ որոնելու։ Հետագայում, XVII դարի երկրորդ կեսին և XVIII դարում արհեստագործությունը շարունակում էր կորցնել իր տնտեսական զարգացման հեռանկարները եվրոպական արդյունաբերական արտադրանքի ներմուծման շափերի աննախընթաց ընդլայնման հետևանքով²⁹, երբ տեղական արտադրությունը անմրցունակ էր դուրս գալիս անդրծովյան ապրանքների կողքին։ Այս և համանման գործոնների ազդեցությամբ խորացան սոցիալական և էթնիկական հակասությունները էսնաֆի ներսում։ Կրոնական գերազանցության սկզբունքը մահմեդական էսնաֆին դնում էր շահեկան դրույթյան

24 Н. Тодоров. Балканский город XV—XIX вв. М., 1976, с. 112.

25 Ժամանակագրություն Գրիգոր վարդապետի Կամախեցույ կամ Դարանաղցույ. Երուսաղեմ, 1915, էջ 276։

26 M. A. Ubicini. Letters on Turkey. Part II. London, 1856, p. 286—310. Ներիշխին, ինչպես և այլ հեղինակներ, սխալվում են. թանկարժեք քարերի հղկումը և թանկարժեք մետաղների դրվագազարդումը մտնում էին ոսկերիչների գործունեության ոլորտը, իսկ այդ բնագավառում հայերը հայտնի էին դեռևս շատ ավելի վաղ ժամանակներից (Ղ. Ինճիճևյան. Աշխարհագրությունը շրից մասանց աշխարհի, հ. Ե, Վենետիկ, 1804, էջ 128—129)։

27 В. А. Гордлевский. Государство сельджукидов в Малой Азии, с. 132.

28 Մ. Զուլալյան. Զալալիների շարժումը և հայ ժողովրդի վիճակը Օսմանյան կայսրության մեջ (XVI—XVII դարեր). Երևան, 1966, էջ 38։

29 М. С. Мейер. К характеристике экономической жизни городов Османской империи в XVII веке.—В кн.: Проблемы генезиса капитализма. М., 1978, с. 249.

մեջ, որ արտահայտվում էր հարկերից խուսափելու, դրանք ոչ մահմեդական էսնաֆի: ուսերին դնելու իրողությունների ձևով: Խառը էթնակրոնական միավորումներում կողմերի հարաբերությունները անխուսափելիորեն սրվեցին: Իրանը ավելի խորացան այն բանից հետո, երբ ենիչերիները սկսեցին խուսափելու ռազմական ծառայությունից և ամրանալով գավառներում ու տնտեսական բարեկեցության ձգտելով մայրաքաղաքում, ներթափանցեցին էսնաֆի մեջ³⁰: Արհեստագործական արդյունքների իրացումը՝ ի դեմս առևտրական շահույթի, ենիչերիների համար դառնում էր ոչ միայն հրապույրի, այլև հիմնական զբաղմունքի առարկա: էսնաֆի մեջ մտած ենիչերիները օգտվում էին իրենց զատի արտոնություններից, հեղինակություն դառնալով արհեստավորաառևտրական միջավայրում և դրանով ավելի խորացնելով հակասությունները կորպորատիվ կազմակերպության մեջ: Այս տեսակետից թուրքական արհեստավորական կազմակերպությունները իրենց կրոնական-ծիսական բազմաձև արարողություններով վարել են ոչ մահմեդական արհեստակիցների իսլամացնելու կամ իրենց հավատի անվիճելի գերազանցությամբ ճնշելու բացահայտ ուղեգիծ, որին անդրադարձել է Հ. Անասյանը իր «Թուրքական ֆուլթուվայիթը և հայերը» ուշագրավ, թեև մի քանի դեպքերում վիճելի դրույթներ պարունակող աշխատության մեջ³¹: Վ. Գորդևսկին, իր հերթին, նկատում էր, որ արհեստավոր մահմեդականները քրիստոնյա վարպետներից յուրացնելով արհեստի հմտությունները, աստիճանաբար նրանց դուրս էին մղում արհեստավորական կազմակերպություններից³²:

Կ. Պոլսի հայ էսնաֆը, ինչպես ժամանակի մյուս արհեստավորական միությունները, իր այս կամ այն առանձնահատկություններով հանդերձ, ունեցել է սոցիալական ու կազմակերպական որոշակի կառուցվածք: Արհեստատերերի գլուխ էր կանգնած վարպետը, ավելի ներքև՝ ենթավարպետը և ստորին աստիճանին՝ աշակերտը:

էսնաֆի համար արարողությունների արժանի կարևոր իրադարձություն էր աշակերտի վարպետի կոչում ստանալը: Գրիգոր Դարանաղցու մեր արդեն հիշած հատվածը, որ պատկերացում է տալիս դրա մասին, մեջքերում ենք ամբողջովին. «Եւ իբրեւ եղեւ օր մի զի դերձակի աշակերտ կու հանեն ի վարպետէ զոր իւրեանքն ըռովան (ձևոնադրում, շնորհաբաշխում—Ա. Ն.) ասևն: Սովորութիւն կա իւրեանց միջումն քաղաքական օրէնս եղևալ (իմաստ օրենքով հաստատված—Ա. Ն.) որ կու ժողովին ութն կամ տասն աշակերտս այլ յաւելի կամ պակաս եւ ի մի վայր ժողովելով, մեծ ճաշ և կերակուր պատարաստելով աշակերտացն և իւրեանց ճարտարապետն (արհեստապետ—Ա. Ն.) յետ ջամբելոյ կերակրոյն իւր վարպետին պարգևք տալով եւ ապա այլ դերձակաց իւրաքանչիւրոյն թէ տարեղ թէ այլ ինչ փոքր իրենց ղնելով առջի և ղամենեցուն աջն համբուրելով եւ շէխն եւ վարպետքն օրհնելով և ապա կու արձակին առանձին լինելով: Այսպէս սահմանք և սովորութիւն և բարեկարգութիւն կա ի մէջ ամենայն արուեստաւորացն՝ զատ ի մեր կարգացողացն և զրագրացն»³³:

Իրոք, մահմեդական արհեստակիցների հետ գտնվելով միևնույն կազմակերպության մեջ, հայ դերձակները, որոնց մասին գրում է Դարանաղցին, ենթարկվել են մահմեդական էսնաֆի կանոնադրությանը (ֆուլթուվայթնամե):

Կ. Պոլսի գրագիրները կամ այլ մտավորականները, ի տարբերություն

30 Նույն տեղում, էջ 263:

31 «Հասկ», Հայագիտական տարեգիրք. Անթիլիաս, 1995, էջ 221—256:

32 В. А. Гордлевский. Стамбул в XVII веке.—Издб. соч., т. IV. М., 1968, с. 26.

33 Ժամանակագրութիւն Գրիգոր վարդապետի Կամախեցոյ, էջ 276: Այս իմաստով շատ արժեքավոր է XVII—XVIII դդ. հեղինակ Ուրախ Գրիգորից մեզ հասած վավերագիրը էսնաֆի կրոնական ծեսերի ու արարողությունների վերաբերյալ, որ բննարկված է Հ. Անասյանի վերոհիշյալ աշխատության մեջ:

մուս էսնաֆներին, շեն ունեցել այդպիսի կանոնադրություն, թեև կազմել են առանձին էսնաֆություն:

էսնաֆի բարոյական վարքագծի նորմերն ամփոփող կանոնադրությունից բաղի և դրա կողքին գործում էին նաև օսմանյան օրենքները, որոնց միջոցով պետությունը վերահսկում էր արհեստավորի արտադրական գործունեությունը, ղյխավորապես արդյունքների իրացումն ու դրան առնչվող պայմանները: Դրանք հանգստանորեն կարգավորում էին արտադրանքի որակի և չափերի՝ հետ կապվող խնդիրները՝ շուկայական սակագները, իրացման պայմաններն ու տեղը, տարածքի սահմանները և այլն: Պետության այսպիսի ակտիվ միջամտության պայմաններում դժվար է անվերապահորեն ընդունել արևմուտյան այն ուսումնասիրողների տեսակետը, ըստ որի՝ էսնաֆը զուտ ինքնակառավարվող միություն էր, ազատ՝ իր գործունեության մեջ: Սուլթան Սելիմ I-ի (1512—1520) օրենքներում բավական ցայտուն ի հայտ է գալիս պետության խիստ վերահսկողությունը արհեստավորների գործունեության, և մանավանդ, նրանց արտադրանքի իրացման նկատմամբ: Մուհթեսիբը՝ շուկայում դատական իշխանության առաջին դեմքը, ամենայն աշխրջությամբ պետք է հետևեր ապրանքների գներին, մաքսերին, ապահովիչ շուկայական սակագների սահմանված չափը: Տուգանք էր դրվում թերակշռողներին³⁴, անորակ մթերքի (ամհի-ի-դ աուշ՝ հացի և մսի), ապրանքների տեսակավորումը խախտելու համար: Մուհթեսիբը հետևում էր, որ ապրանքները վաճառվեն միայն շուկայում, բուն յաղերում առևտուրն արգելված էր: Մի բանի դեպքերում դրամական տուգանքը (բավական լիբերալ չափով՝ մեկ և ավելի աքչե) զուգորդվում էր ճեպտի հարվածներով³⁵: Վերահսկողության էր ենթարկվում, հետևաբար, բարձր էր գնահատվում հումքը: Արգելված էր հում կաշին վաճառել որևէ մեկի, բացի կոշկակարներից, այսինքն, այն պետք է իրացվեր միայն էսնաֆի շրջանակներում, օտարականներին այդ հումքի վաճառքն ընդհանրապես արգելվում էր³⁶: Մուհթեսիբը ստուգման էր ենթարկում բաղնիկայաններին՝ ելնելով կրոնական պատվիրաններից. ածելին պետք է լիներ սուր, չուրը և անձեռոցիկները՝ մաքուր: «Գլավուրներին տրված անձեռոցիկները, — ասված է օրենքում, — թող մահմեդականներին չտան: Գլավուրների անձեռոցիկների վրա թող հատուկ նշաններ արվեն: Դրանք, ովքեր չկատարեն ասվածը, թող խիստ պատժվեն»: Կամ՝ «Սափրիչները թող ստուգվեն: Թող նրանք չսափրեն մահմեդականներին նույն ածելիով, որով սափրել են գլավուրներին»³⁷: Կարգավորվում էին դերձակների կարած հագուստների դները. պատժվում էին այն դերձակները, որոնք ժամանակին չէին կատարել պատվերը³⁸: Սելիմ I-ի կանոնագրում հիշվում են երկու և կես տասնյակի չափ արհեստներ և արհեստավորներ (հացագործ, մսագործ, կոշկակար, դերձակ, ոսկերիչ և այլն):

Կոստանդնուպոլսի բեգեսթեններում և շուկաներում մուհթեսիբի հետեմում ուրվագծվում էր կադիի (դատավոր) հույժ ազդեցիկ կերպարանը: Կառավարության կողմից և օրենքի շրջանակներում կադիին էր կարգավորում էսնաֆի գործունեության իրավական կողմը՝ հումքի ձեռքբերումից մինչև ար-

³⁴ Մուհթեսիբի մոտ էր պահվում զգայուն մի կշեռք, որով ստուգվում էին շուկաների բոլոր կշեռքները (H. Gibb and. H. Bowen. Islamic Society and the West. Vol 1, p. 1, London, 1950, p. 287).

³⁵ Книга законов султана Селима I (публикация текста, перевод, терминологические комментарии и предисловие А. С. Тверитиновой). М., 1969, с. 67—69. Սեղանշած արհեստավորները երբեմն իշխանավորների դաժանության զոհ էին դառնում: 1776 թ. ժամանակազիր Հակոբ Տիվրիկցին գրում էր, որ Կ. Պոլսում «Տէօհլուն էր Իզգեթլի Ահմեդ: փաշայն, որ էր արիւնասէր, շատ հացագործ և պախալ կախալ էր բարկութիւն նորա» (Սանր ժամանակագրություններ, XIII—XVIII դդ., հ. 2 (կազմ. Վ. Հակոբյան). Երևան, 1956, էջ 461):

³⁶ Книга законов султана Селима I, с. 71.

³⁷ Նույն տեղում, էջ 73:

³⁸ Նույն տեղում, էջ 70:

տադրանքի իրացման պայմանների պահպանումը: Մուհթեհիբների առօրեական աշխատանքը վերահսկելուց բացի, կադին մեծ վեզիրի և ենիչերի աղաասու (գլխավոր ենիչերի) հետ միասին ստուգայցեր էր անում Կ. Պոլսի շուկաներում՝ հետևելով կարգուկանոնի պահպանությանը և սուլթանի այն հրամանների ճշտիվ կատարմանը, որոնք վերաբերում էին առևտրին և դրան առնչվող մանրամասներին: Շուկաների բոլոր խանութները, կրպակներն ու արհեստանոցները բացելու թույլտվությունը, առանց բացառության, տալիս էր միայն կադին՝ հատուկ արտոնագրով³⁹, որն ամրագրում էր տնօրինողի իրավունքները շինության, դրա զբաղեցրած հողամասի և գույքի նկատմամբ⁴⁰: Միաժամանակ, կադին զուգակցում էր արհեստների և առևտրի վերահսկողությունը բարոյական նորմերի պահպանության հետ՝ վերջին դեպքում հանդես գալով իբրև կրոնական օրենքի (շերի) ներկայացուցիչ, դատախարակական հարաբերությունները կարգավորող անձ: Նա նշանակվում էր ուլեմների դասից և համարվում էր ամենախոշոր պաշտոնյաներից մեկը օսմանյան կառավարող վերնախավում⁴¹:

Բացի արտադրական ենթակայական միավորից (վարպետ-աշակերտ-վարպետ-ենթավարպետ-աշակերտ), էսնաֆությունները ի հայտ էին բերում նաև կազմակերպական հիերարխիական ենթակայություն⁴² տվյալ էսնաֆության շրջանակներում: Արհեստավորների ու առևտրականների վերնախավում նշանակալի ազդեցություն են ձեռք բերում իգիթբաշիններն ու Բյահյանները, որոնց գործունեությունն անմիջականորեն կապված էր արտադրության նյութական կողմի հետ: Ընտրվելով վարպետների ժողովի, այսպես կոչված «լոնջայի» (օթյակ) կողմից, նրանք իրենց ազդեցությունը տարածել էին ոչ միայն արհեստավորների մեջ, այլև ամբողջ պոլսահայ համայնքում: Պետք է կարծել, որ իգիթբաշինների և Բյահյանների ազդեցության աճը մի հայտնի շահով առնչվում էր հայկական կորպորատիվ կազմակերպությունների առանձնացման (խառն կազմակերպություններից), սեփական «լոնջաների» ամրապնդման կամ բազմացման հետ: XIX դարի սկզբների՝ Գանիելի պատրիարքության ժամանակվա մի պաշտոնական գրություն հուշում է այն միտքը, որ հայ էսնաֆի «լոնջաները» արդեն ընդգրկում էին ամբողջ պոլսահայ համայնքը: Փաստն այն է, որ պատրիարքը օսմանյան իշխանություններից ստացած թեգմենտի (հրահանգը) պոլսահայ հանրության մեջ տարածում էր էսնաֆի «լոնջաների» միջոցով: Մեջբերում ենք պատրիարքի շրջաբերականի սկիզբը. «Ի տէր Գանիել արքեպիսկոպոս է մեծի մայրաքաղաքիս Կոստանդնուպոլսոյ, աստուածային օրհնութեամբ և ողջունիւ ծաներուք (այս ինչ) էսնաֆի միւթէ-վէլիք, իկիթպաշիք և գլխաւոր վարպետայք (քյահյանները—Ա. Խ.) ի գալ խրատական և պատուիրական թէսկէրէիս առ ձեզ՝ պարտիք ի ձեր լոնճաւի տեղն ժողով անել և բոլոր վարպետներն ձեր էսնաֆին ժողովել՝ էրքեանձէ ամենեցուն պատւէր և ամէն հայր զիւր զաւակն և զիւր աշկերտն խրատեն...»⁴³:

Գր. Պասմաճյանին առնչվող մեր արդեն հիշած վավերագրում, ի թիվս

³⁹ Արտոնագիրը, որ կոչվում էր զեդիկ, իր հերթին սեփականության ձև էր. տնօրինողը կարող էր այն կտակել. գրավ դնել կամ վաճառել: Առանց էսնաֆի ազգաների թույլտվության զեդիկ չէր արվում, որ և վկայում է էսնաֆի արտադրական կազմակերպական իրավունքների մասին (տե՛ս Н. Gibb and H. Bowen. Op. cit., p. 282).

⁴⁰ Н. А. Иванов. Указ. соч., с. 189.

⁴¹ Н. Inalcik. Op. cit., p. 104.

⁴² Հիերարխիական անսովոր բազմաստիճան համակարգ էին ներկայացնում սուլթանի հարեմում զբաղված արհեստավորները, որոնց և կամուտները բաշխվում էին ըստ ավագության: Սանդուխթի վերին աստիճանին էր կանգնած սարաչ ուստան (պալատի վարպետ), ապա՝ աւաջիւ սրճեփ, երկրորդ սրճեփ, հետո՝ առաջին, երկրորդ լվացարարուհի, գանձապետ, նոյնիսկ շորորդ և հինգերորդ դանձապետ և այլն (տե՛ս Р. Tuglac. Osmanli saray kadinlari, Istanbul, 1985, s. 57):

⁴³ Մայր ցուցակ ձեռագրաց սրբոց Յակոբեանց, հ. IV (կաղմ. ն. եւ. Պողոբեան), Երուսաղիմ, 1956, էջ 142:

սուլ արհեստագետների, իրենց կնիքն են դրել և ստորագրել «էսկլինճոյ (հնակարկատ) եկիտ պաշի ուստա Եղիան», «պոզվանոց (հնավաճառ) իկիթպաշի Զոփսէփը», ինչպես և «սառաֆաց քեահեայ խոճայ Աստուածատուրը»⁴⁴։ Նրշ-յած վավերագիրը ուղագրով է նաև այն տեսակետից, որ վկայում է ամիրաների, որպես սյուսահայ վերնախավի հայտնության և ազդեցության մասին։ Վաստախուղթը կնիքի և ստորագրել են կեսարացի խալֆա (ճարտարագետ-կեսարացիների մեջ շատ էին շինարարներն ու ճարտարապետները) Կարապետ ամիրան, Ս. Աստվածածնի եկեղեցու մյուլթեվելի Հակոբ ամիրան և էյի ուրիշ ամիրաներ⁴⁵։

Այստեղ ընդհուպ մոտենում ենք ամիրաների՝ որպես սյուսահայ վերնախավի⁴⁶ ինքնութան կամ դասային նկարագրի ձևավորմանը։ Անկասկած, նրանք հրապարակ են իջել XVIII դարի երկրորդ կեսին՝ փոխարինելով տրնտեսապես ազդեցիկ և օսմանյան իշխանությունների հովանավորությունը վալիոդ չելբեհներին և խոջաներին՝ սրանց հետ ունենալով այն ընդհանրությունը, որ մասնում էին համապատասխան էսնաֆի մեջ։ Ամիրաները ոչ միայն խոշոր սեղանավորներ էին, վաճառականներ, այլև արհեստագետներ, վարպետ-ուստաների մեջ իրենց կարողությամբ ու դիրքով աչքի ընկնող անհատներ։ Նրանց հատկանշական կողմերից մեկը, թերևս, արքունիքում կամ գալառներում կարևոր պաշտոններ զբաղեցնելն էր (արքունի ոսկերիչ, արքունի վաճառագետ, արքունի ճարտարագետ, փաշաների սեղանավորներ և այլն)։ Ամիրաների մի ամբողջ խումբ իր պաշտոնակալության համար շատ բանով էր պարտական էսնաֆում և համայնքում նվաճած ազդեցիկ դիրքին։ Էսնաֆի մեջ էյանյանների մերելքը համապատասխանում է ամիրաների հայտնության ժամանակին։ Այս երևույթը ցայտունորեն երևում է մի փոքր ավելի ուշ՝ XIX դարի սկզբի Եգիպտոսում, երբ արհեստագետ-շելխերը փաշայության կարգի իրավունք ստացան պաշտոնական հեթադիսիայի վերնամասում⁴⁷։

Ամիրաները իրականացնում էին պատրիարքի գործադիր իշխանությունը «ալթը ջեմաաթի» հարկերը, տուրքերը գանձելու, վակֆի հետ կապիտոլ յուլթուկան, դրամական, բարեգործական և այլ գործառնությունների ասպարեզում։ Վերը նշված՝ 1772 թ. փետրվարի 22-ի մահսուրալյան ստորագրել են նախ հոգևորականներու (51 մարդ՝ ավագերեց, աթոռակալ և ապա հասարակ քահանաներ), որիո հետո՝ ամիրաները (8 մարդ) և վերջում՝ շուրջ 6 և կես տասնյակ արհեստավորներ։ Հետևաբար, XVIII դարի 70-ականի սկզբին ամիրաներն արդեն ապահովել էին վերնախավի իրենց դիրքը պոսահայ հասարակության մեջ։ Ամիրաների այդ դիրքը չէր ամրագրվում որևէ օրենքով, սակայն ինքնարբերաբար ընդունվում էր և համայնքում, և օսմանյան իշխանությունների կողմից։ Ավելին, էսնաֆի գլխավորի՝ արհեստագետի տեղը, տվյալ դեպքում՝ նաև ամիրաների դրադեցրած պաշտոնը հարատևում էր, շատ դեպքերում՝ ժառանգաբար, նույնը, ինչ կատարվում էր մահմեդական արհեստա-

44 Գր. Գալեմբյարյան. Կենսագրություն երկու հայ պատրիարքներու և տասն կախկոպոսներու. Վիեննա, 1915, էջ 336, 346, 350։

45 Նույն տեղում, էջ 346—347։

46 Հ. Անասյան. XVII դարի ազատագրական շարժումներն Արևմտյան Հայաստանում. Երևան, 1952, էջ 59—62։ Ամիրա հորջորջումը, անշուշտ, կապվում է թուրք-սելջուկյան «ամիր» կառավարիչ, գլխավոր պաշտոնյա հասկացությունների հետ։ 1453 թ. մի հիշատակարանում՝ «Եկուկա», գիշխան Երզրեկա քաղաքին և ե(40) անուանի ամիրայ զհետ նորա» (Գ. Սրվանձրտյանց. Թորոս աղբար, հ. Բ, 4. Պոլիս, 1884, էջ 381), 1693 թ. ևս ամիրան հիշվում է նույն՝ իշխանավորի իմաստով. «Եւ ժողովեցան առ ամիրան և կտրեցին արեան դին» (նույն տեղում, էջ 321)։ Ամիրա պատվանունը հայերի մեջ իմաստային ձևախախտման էր ենթարկվելու և դասային հասցնագրում էր ստանալու XVIII դարի երկրորդ կեսին։ Բ. Կոլլևսկայանը նշում է, որ դրանից առաջ «ամիրա» կոչումը դեռ ծանոթ չէ (Բ. Կոլլևսկայան. Կոլոտ Նովո-Նաննես պատրիարք. Վիեննա, 1904, էջ 7)։

47 H. Gibb and H. Bowen. Op. cit., p. 294.

պետերի միջավայրում⁴⁸, ժառանգաբար էին անցնում նաև արքունիքում արհեստագետների պաշտոնները: Այսպես, Տյուգլանների շատ սերունդներ, մասնավորաբար, XVIII դարի երկրորդ քառորդից հետո, փաստորեն ժառանգաբար զբաղեցրել են արքունի ոսկերչագետի պաշտոնը⁴⁹: Նույն դարի երկրորդ կեսից սկսվում է ճարտարպետ ամիրա Պալանների վերելքը, դուրավերջին՝ Տատյանների տոհմի առաջնությունը վառողի: Թղթի արտադրության և բնակը անհրաժեշտ հանդերձանքով այսօրվելու գործում:

XVIII դարի երկրորդ կեսին էսնաֆի վերնախավը, մանավանդ մեծ քաղաքներում, տեղական արտադրությունն ու առևտուրը իրականացնելու, նյութական հնարավորությունները ընդլայնելու համեմատ, ավելի մոտիկից է առնչվում իշխանություններին, ձեռք բերում որոշակի ազդեցություն: Այս գործընթացը մի որոշ շափով արագանում էր ենիչերիների՝ էսնաֆի հետ սերտաձևելու իրողությունամբ, ենիչերիների գլխավորների ու էսնաֆի պետերի առնչություններով: Հալ էսնաֆի ներսում ևս այդ փոփոխությունները, արհեստագետների սերտ կապերը պալատի և վարչական հիերարխիայի հետ հասցրելու արժանիքն, որ խոջաների ու շեյխերիների⁵⁰ հին վերնախավը տեղի տվեց օսմանյան բարձր պաշտոնեության հետ շատ ավելի ծավալուն և շփման լայն եզրեր ունեցող մի նոր դասի՝ ամիրայության հաստատմանը: Ամիրա-սեղանավորների գործունեության եռուն շրջանում անգլիացի հեղինակը իրավաբանորեն նկատում էր, որ տուրքեր հավաքելու գործում ամիրաների լայնախոհությունը, առևտրականի գործարար հատկությունները և փաշաների հանդեպ ցուցաբերած ճկուն վերաբերմունքը նրանց արագորեն հարստություն կուտակելու հնարավորություն են տալիս⁵¹:

Հարկերի հավաքումը և, բնականաբար, դրա մի մասի յուրացումը պոսաշալ վերնախավին հնարավորություն էր տալիս դեռևս XVII դարի երկրորդ կեսին միջամուխ լինել պատրիարքական ընտրություններին, իրենց անմիջական ազդեցությունը թողնել դրանց վրա, միաժամանակ, ի գիտություն ընդունելով Բ. Դռան հուշարկումները՝ պատրիարքական այս կամ այն թեկնածուին նախապատվություն տալիս: Ամբիին, էսնաֆի գլխավորները, որոնք սկստիվորեն մասնակցում էին պատրիարքական աթոռի շուրջ ծավալվող բախումներին, պատեհ առիթի դեպքում իրենք էին ձգտում դավթել այդ աթոռը: 1679 թ. այս կերպ պատրիարքական գահին հայտնվեց Աարգիս էֆենդին՝ հացագործ արհեստագետը, որը նախապես ճանաչելով հոգևոր իշխանության վայելքները, երբ պատրիարքական տեղապահ էր, իր նպատակին հասնելու համար հասցրել էր կրոնական կարգ ընդունել: 1689—1692 թթ. պատրիարքական աթոռին են հավակնել նաև այլ աշխարհականներ՝ Թորոս Ստամպուլյիև, Սաքա օղլու դերձակը, Բամալմեհի Շահինը, անշուշտ, էսնաֆի մեջ պաշտոն և հեղինակություն վայելող անձինք⁵²: Աշխարհական տեղակալները էական դեր էին կատարում դեռևս 1650-ական թթ. պատրիարքական երկպառակությունների ժամանակ: 1659 թ. այդ տեղակալները, որոնց թիվը հասնում էր 24-ի, հա-

48 Н. А. Иванов. Указ. соч., с. 190.

49 Գ. Մենեվիշյան. Ազգաբանություն ազնվական դարմին Տյուգլանց. Վիեննա, 1890, էջ 10—33:

50 Բուրուլին այլ բնույթ ունեւ «մահտեսի» սլատվանունը, որը պարզապես տեղեկացնում էր կրողի՝ Երուսաղեմ այցելած լինելը և կապ շունը նրա սոցիալական բնութագրի հետ: Մահտեսի կարող էին կոչվել և շեյխերները, և՛ խոջաները, և՛ ամիրաները, և՛ կանայք, և՛ ցանկացած մեկը՝ վերոնշյալ պայմանով: Հիմնավորված չի թվում մահտեսիներին իրեն «երեսիների դաս» առանձնացնելը (Չ. Ճ. Սիրունի. Պոլիս և իր դերը. հ. 1, Բելյուս, 1965, էջ 492): Իրոք, հայ վերնախավը տիտղոսների հանդեպ ցուցաբերում էր զարմանալի թուլություն (ան՛ս Չ. Անասյան. Նշվ. աշխ., էջ 67):

51 D. Urquart. Turkey and its resources: its municipal organization and free trade. London, 1833, p. 107—108.

52 Չ. Մըրմըյան. Մասնական պատմություն հայ մեծատունների. Կ. Պոլիս, 1909, էջ 50:

հողեցիին տասյալել պատրիարք թովմա Բերիացուն և սաստել սրան սատարող թրխյալաններին: Աշխարհական տեղակալների մեջ էին առևտրական էսնաֆի գլխավոր, հուլիսի ազգեցիկ (հարստութիամբ և պալատի հետ հաստատած կապերով) խոջա Ռուհիջանը, էֆմեֆնի Պեկլերը, Բերեստեֆնի Գրիգորը, յազրնի Հաբուսյունը և այլք, գրեթե բոլորն էլ էսնաֆի գլխավորներ⁵⁸:

4. Պոլսի էսնաֆի արտագրանքը շուկաներում իրացվելու դեպքում արհեստավորները հանդես էին գալիս որպես առևտրի ասպարեզն ընդգրկված արտագրողներ, ուստի շատ հաճախ արհեստավորը կրում էր նույն մականունը ինչ առևտրականը: Էֆմեֆնի կարող էր նշանակել և՛ հացթուխ, և՛ հացավաճառ. Բերեստեֆնի՝ և՛ փայտահատ, և՛ փայտավաճառ, ճիզմեֆնի՝ և՛ կոշկակար, և՛ կոշկավաճառ և այլն: XVI—XVIII դդ. մայրաքաղաքի բնակչությանը (փակ, մասնագիտացված շուկաներ) լեփ-լեցուն էին արհեստավոր և առևտրական հայ շուկաներում (մահուղագործ), ոսկերիչներով, գազագներով (մետաքսագործ), նեվախիթեֆներով (ակնավաճառ), ժամագործներով և բաղմաթիվ այլ առևտրական արհեստավորներով: XVII դարի առաջին քառորդին 4. Պոլսի այցելած Սիմեոն Լեհացին թվարկում է շուկայում գործող արհեստավորների խանութները Յասը բազարի (գերիների շուկա) մոտակայքում, ուր իրենց ապրանքներն էին վաճառում «լուղանճիֆ, ֆլթապճիֆ, սիրումճիֆ և այլ խանութների ազգ և ազգ»⁵⁴:

Այս առևտրական էսնաֆի կողքին և կամ դրանից անջատ գործում էր զուս առևտրական էսնաֆը, որ կազմված էր դրամատեր հարուստ վաճառականների և միջակ ու մանր առևտրականներից: Պոլսեցի առևտրականները գործում էին ոչ միայն մայրաքաղաքում, այլև երկրի մյուս տարածքներում և նրա սահմաններից դուրս, լեվանտի առևտրահրապարակներում և այլուր: Խոջոր վաճառականների դասն ուներ առևտրով զբաղվելու արտոնագիր՝ բերաթ (այսպես կոչված բերաթի վաճառականներ), որոնք որոշակի առևտրական արտոնություններ ունեին (ինչ-ինչ հարկերից ազատ լինելու կամ համեմատաբար թեթև հարկեր վճարելու իմաստով)⁵⁵: Կապիտուլյացիաների ռեժիմի պայմաններում ընդլայնվում էր նաև պոլսահայ առևտրականության միջնորդ դերը: XVII դարի երկրորդ կեսին Լիզեռլանդներին տրված առևտրական արտոնությունները (1668, 1680 թթ.)⁵⁶ նպաստեցին հոլանդական առևտրի ծավալմանը լեվանտում, որից օգտվեցին նաև Զմյուռնիայի և 4. Պոլսի հայ վաճառականները: Հայ վաճառականների էսնաֆի վրա հասկանալի ազդեցություն ունեին օսմանյան արքունիքի հետ կապված խոջո վաճառականները: XVIII դարի երկրորդ քառորդին արքունի «ծայրագուն վաճառապետներն» էին մահտեսի Սեղիբեստրոսը, Ալեքսանյան Պետրոս ամիրան և ակնեցի Ղազար ամիրան⁵⁷:

Հայ արհեստավորների հմտութիան և տաղանդի շնորհիվ որակական փոփոխություններ էին կատարվում արհեստի ոչ քիչ տեսակների մեջ: Մայրաքաղաքի հուլիսն էին հնարել և կատարելագործել ծաղկենկար բեհեզը (Գուղկունճուր թաղամասի մի արհեստավորի ձեռքով), որի շնորհիվ Սկյուտարում XVIII դարի երկրորդ կեսին յայն թափ էր ստացել յազմալի արհեստագործություն⁵⁸: 4. Պոլսի սահմաններից դուրս էր եկել հայ ոսկերիչների, արծաթագործների, ակնագործների, շինարարների հոչակր: Մուստաֆա III-ի և Համիդ I-ի ժամանակներում (XVIII դարի երկրորդ կես) նրանց պատրաստած արդյունքները իրենց որակով հաճախ գերազանցում էին եվրոպական արտագրանքը: Արժանի համբավ ունեին հայ ժամագործները, նրանց մեջ ոչ միայն նորագողներ կային.

⁵⁸ 4. Պոլսի հայերը և իրենց պատրիարքները: Ընդարձակ օրացույց ազգային հիվանդանոցի. 4. Պոլսի, 1901, էջ 101: Խոջա Ռուհիջանը մեծ վեղիրի քյուրթիպաշին էր (Չ. Ճ. Սիրունի. Նշվ. աշխ., էջ 498):

⁵⁴ Սիմեոն դպրի Լեհացույ ուղեգրութիւն. Վիեննա, 1936, էջ 20:

⁵⁵ M. U b i c i n i. Letters on Turkey. Part II. London, 1856, p. 316

⁵⁶ I. U z u n c a r s i l i. Osmanli tarihi. III c., 2 kis. Ankara, 1954, s. 237

⁵⁷ Բ. Կյուլլիսեբյան. Նշվ. աշխ., էջ 32: Նույնի՝ Հիշատակարան Պոսամճյան Գրիգոր պատրիարքի. Փարիզ, 1908, էջ 10:

⁵⁸ Զ. Մըրմըյան. Թուրքահայոց հին վաճառականություն և վաճառականը, էջ 13:

այլև՝ լիարպետ մեխանիկներ⁵⁹։ Հարգի էին հայ զինագործների որակյալ արտադրանքները՝ սուր, հրացանի փող, գեների այլևայլ տիտակների նորոգում և այլն։ Զենքին և ռազմական գործողություններին, ինչպես և բանակի սպասարկմանն անհղիղ արհեստավորները կազմում էին բանակի բաղկացուցիչ մասը և ուղեկցում նրան արմող արշավանքի ընթացքում։ Բանակին ծառայող արհեստավորները և առևտրականները ազատվում էին հարկերից⁶⁰, որ արհեստագետները հասար նյութական հավելյալ եկամուտներ էր խոստանում։ Ի դեպ, վերը հիշված պատրիարք Սարգիս Էֆմեֆեին իր հոգևոր կարիերայի համար, ակնհայտորեն, շատ էր պարտական այն բանին, որ եղել էր օսմանյան բանակի հսկի մատակարարը։ «Մա ի բանակն օսմանցոց հացագործ լինելով առնու զպատրիարքութիւնն...», — գրում է լավատեղյակ հեղինակը⁶¹։

XVII դարի սկզբներից Օսմանյան Թուրքիայում արհեստավորների աշխատանքի արտադրողականության յճացումը և ապա անկումը ավելի էր կաշկանդում տեղական առևտուրը ոչ ունևոր՝ քաղաքային ու գյուղական գնորդների շրջանում։ Մահմեդական էսնաֆը սոցիալական իր անկախուն կացությանը արձաբանքում էր տարերային հուզումներով, ենիչերիական խոռվություններով։ Հարելով և այլ պոռթկումներով։ 1651 թ. օգոստոսին աքչեի արժեզրկման պատճառով մայրաքաղաքում բռնկված խռվությանը մասնակցում էին 50 հազարի չափ արհեստավորներ ու առևտրականներ։ Դրա հետևանքով պաշտոնանկ արվեցին մեծ վեզիրն ու մի քանի այլ պաշտոնյաներ⁶²։ 1703 թ. հուլիաներին գործուն մասնակցություն ունեցան ճեպեհիները (զինագործներ), որոնք ենիչերիների հետ կիսում էին աշխատավարձերը պարբերաբար ուղ ստանալու խորին դժգոհությունը⁶³։ Հայտնի է 1730 թ. էսնաֆի խոռվությունը՝ ենիչերի առևտրական Պատրոնա Խալիլի ղեկավարությամբ և այլն։

Սայրաքաղաքի ոչ մահմեդական էսնաֆը միշտ կամ գրեթե միշտ հեռու էր մնում օսմանցի էսնաֆի և ենիչերիների հուզումներից, որոնք սպառնում էին նրա անվտանգությունը՝ ուղեկցվելով այլակրոնների թալանով, կողոպուտով և այլ բռնություններով։ Տիրապետող օսմանյան տարրի կրոնական ու սոցիալական գերազանցությունը դրսևորվում էր նրա և էթնակրոնական մյուս հանրությունների փոխհարաբերությունների ցանկացած ոլորտում և հիմքի։ Իսկ ոչնչացնում նրանց ընդհանուր ընդդիմության ամեն մի հնարավորություն։ Կոստանդնուպոլսի հայ էսնաֆի մեջ սոցիալական բողոքն ու բնորոշումները ուղղվում էին համայնքի աշխարհիկ ու կղերական վերնախավի դեմ, որչափով սրանք էին իրականացնում իշխանությունների հարկային քաղաքականությունը։ Դավիթ Արևելցու պատրիարքություն ժամանակ, 1650 թ., պատրիարքարանի պարտքը Բ. Դոանը հասել էր 40.000 ղուրուշի, որ լուրջ հուզումներ էր առաջացրել Կ. Պոլսի էսնաֆի մեջ⁶⁴։

Թուրքական իշխանությունները, ի հարկին, խուսափում էին մահմեդական էսնաֆին գրգռելուց՝ բավարարելով նրա պահանջները։ 1657 թ. մեծ վեզիրը

59 M. Ubicini. Op. cit., p. 316.

60 Книга путешествия Эвлия Челеби. М., 1961, с. 273 К. Весела. К вопросу о положении христианской церкви в Османском государстве.—В кн.: Османская империя. Государственная власть и социально-политическая структура. М., 1990, с. 119

61 Հ. Պերպեյան. Կ. Պոլսի հայ պատրիարքներու գավազանագիրքը բոտ Մաղաբիա դպիր ձեվահիրճյանի.—«Հանդես ամսօրյա», 1963, № 7—9, էջ 334։

62 J. H. Uzuncarsili. Osmanlı tarihi. III c., I kis. Ankara, 1951, s. 255—258.

63 М. А. Мусаев. Восстание в Стамбуле в 1703г.—В кн.: Османская империя. Система государственного управления, социальные и этнорелигиозные проблемы. М., 1986, с. 200—217. Այս հեղինակը, սակայն, մեղանշում է ճշմարտության առջև, երբ ոչ մահմեդական էսնաֆի «պատամբությունից հիմնականում հեռու մնալու» երևույթը բացատրում է նրա իրը, «արտոնյալ դրությունը»։ Իրականում օրինականացված արտոնություններից ամենուրեք օգտվում էին ախրապետի կրոնի հետևորդները։

64 Ե. Քլոսիլուրճևան. Պատմություն համառոտ Դժ տարույ օսմանցոց թագաւորացն, Երևան, 1982, էջ 243։

տեղի էր տվել թուրք համետագործների բողոքին՝ վերացնելով սուրսեթ կոշիկող հարկը (գանձվում էր պատերազմական ծամանակներում հարդի և գարու դիմաց, իբրև արտակարգ հարկ): Դրան հակառակ, ֆլուրեկեի հարկի (արտակարգ հարկ՝ թիարանում աշխատելու փոխարեն) չափը մեծ վեզիրը բարձրացրել էր այն բանից հետո, երբ հայ արհեստավորները բողոքել էին դրա դեմ⁶⁵։ Այս իրողությունները արտացոլում էին XVII դարի երկրորդ կեսից հարկերի ծանրանալու փաստը։ Արտակարգ հարկերը միտում ունեին վերածվելու տարեկան հարկերի, որոնք ծանրանում էին հարկատու բնակչության՝ հողագործների և էսնաֆի վրա։

Հայ էսնաֆի սոցիալական ու հասարակական հակասություններով պետք է րացատրել նաև պատրիարքական աթոռի շուրջ մղված հայտնի ընդհարումները, որոնք սուր բնույթ ստացան մեկ հարյուրամյակից ավելի՝ XVII—XVIII դդ.՝ արտացոլելով նաև կրոնական կենտրոնների (էջմիածին—Սիս—Կ. Պոլիս—Երուսաղեմ) ներքին հակասությունները։

Կ. Պոլսում արհեստագործությունը մոտեցավ, բայց չկարողացավ հաղթահարել մանուֆակտուրային արտադրությունից այն կողմ տանող սահմանագիծը։ Նույնիսկ XVIII դարի երկրորդ կեսին գործում էին ընդամենը մի քանի մանուֆակտուրաներ (Սալոնիկ, Ադրիանուպոլիս, Բրուսա և այլն), որ մկալում է տեղական արտադրության սահմանափակության մասին։ Պետությունը թույլ փորձերը՝ աջակցելու Սալոնիկի շուխայի և Բրուսայի մետաքսի արտադրությանը, լուրջ նշանակություն չունեցան։ Ֆրանսիայից բարձրորակ դիպակի և այլ գործվածքների մեծաքանակ ներմուծման պայմաններում շեղվելուց հետո Կ. Պոլսի շուխայի արտադրությունը⁶⁶։

XIX դարի երկրորդ կեսին եվրոպական տերություններից Թուրքիայի տնտեսական կախվածության ուժեղացման, եվրոպական արտադրանքի հետ տեղական արտադրության անհավասար մրցակցության սլայմաններում շարունակվում էր վերջինիս անկման ընթացքը։ Իրավական բնագավառում այս իրողությունը պետք է արտահայտվեր թանգիմաթի ժամանակաշրջանի նոր օրենքներով, որ արդեն դրան համապատասխան՝ էսնաֆի տնտեսական կազմության հետ միասին, կաղմում է ուսումնասիրության որակապես տարբեր բնագավառ։

СОСЛОВИЕ АРМЯН-РЕМЕСЛЕННИКОВ И ТОРГОВЦЕВ КОНСТАНТИНОПОЛЯ (XV—XVIII вв.)

Доктор истор. наук А. А. ХАРАТЯН

Резюме

Со времен завоевания Фатихом Мехмедом Константинополя армяне составляли существенную часть ремесленников и торговцев османской столицы. Армяне-ремесленники Константинополя объединялись в корпоративные организации (эснаф), которые в некоторых случаях имели сугубо этно-конфессиональный (армянский), а в других—смешанный этно-конфессиональный (совместно с мусульманами) состав. В последнем случае различные религиозные единицы корпоративной организации сохраняли свои религиозные моральные принципы, лежавшие в основе деятельности эснафа. Налицо явление совместного проживания армян Константинополя земляче-

⁶⁵ Օրագրություն Երեմիա Չելեպի Քելոիրճեանի, էջ 227—228։

⁶⁶ I. H. Uzuncarsili. Osmanlı tarihi. IV. c., 2 kıs., s. 569—570.

скими группами и занятие последних одним и тем же ремеслом. Армянский эснаф Константинополя занимался более ста видами ремесел. Элиту эснафа составляли мастера-собственники—руководители корпоративных организаций. Через кади (верховный религиозный судья) турецкие власти регулировали торговлю и условия реализации на рынке ремесленных изделий. Во второй половине XVIII в. расширяется социальная роль игитбашии и, в частности, кехья среди эснафа, что в значительной мере связывается с процессом формирования армян-амираев как социального сословия. Во многих случаях амирай как господствующее сословие константинопольских армян выступали в качестве должностных лиц, представляющих роль главы эснафа.

THE ARMENIAN CRAFTSMEN AND MERCHANTS OF CONSTANTINOPLE
(XV—XVIIIcc.)

Doctor of Hist. Sc. A. A. KHARATIAN

S u m m a r y

Since the times of the conquest of Constantinople by Fatih Mehmed the Armenians constituted the essential part of the Ottoman capital's craftsmen and merchants. The Armenian craftsmen of Constantinople were united in esnaf, which sometimes had particularly ethno-confessional (the Armenian), and in other cases—mixed ethno-confessional (together with Muslims) character. In the latter case, different religious units of the corporation preserved their religious-moral principles which lay in the basis of the esnaf. It was noticeable that the Armenians lived in the fellow-countrymen's communities in Constantinople which were occupied with the same craft. The Armenian esnaf of Constantinople was engaged in more than one hundred forms of crafts. The esnaf's elite was formed of the masters-owners-leaders of the corporations. The Turkish authorities regulated the trade and conditions of realization of craftware at the market through kadi (the supreme religious judge). In the second half of the eighteenth century the social role of the igitbashi and, particularly, kekhia in the esnaf was widened. To a great extent, it was connected with the formation of the social group of amirai among the Armenians.